

gaiges à cause dudit office 100 florin de Rin; et sy prent sur ladite recepte d'Ivoix chascun an 40 cordes de laine.¹⁾

Gaiges des recepveurs particuliers.

11° *Le recepveur du demaine de Luxembourg* prent chascun an sur les prouffitz de sa recepte, en argent 8 fl 8 gr.; item 20 maldres soile, item 30 maldres d'avoine et 2 charges de vin. — *Emolumens.* — Ledit recepveur prend et liève chascun an sur plusieurs et diverses parties du demaine quy se baillent à ferme plusieurs prouffictz, sur quoy il est tenu de payer les despens quy se font au bail desdites fermes, lesquelz prouffictz pouvent valloir par an par dessus lesdis despens, y compris ses gaiges déclarez cy-devant, environ 150 florins.

12° *Le recepveur d'Arlon* prent chascun an sur les prouffictz venant de sa recepte, pour un porcq 7 fl. 9 gr.; item pour sa robe 10 fl. 30 gr.; item pour gaiges 20 livres tournois valant 30 fl.; item en grains 7½ muyds de froment; item 7½ muyds de soile; item 20 muyds d'avoine, et 6 charges de vin. — *Emolumens.* Et sy prent le recepveur au bail des fermes quy se font de plusieurs et d'iverses membres ou parties du demaine de sa recepte, plusieurs prouffictz, sur lesquelles il est tenu de paier les despens quy se font ou bail desdits fermes et povent iceulx monter par an, sans fere déclaration desdis despens, environ 20 florin.

13° *Le receveur de Bastogne* prent chascun an sur les prouffitz de la recepte pour gaiges à jour saint Estienne 10 florins; item 10 muyds de soile et 10 muyds d'avoine.

14° *Le receveur de Thionville* prent chascun an pour ses gaiges sur sa recepte 5 florin; item 10 maldres de soile, item 10 maldre d'avoine, et 6 ames de vin. — *Emolumens:* ledit recepveur prent encor sur diverses membres quy se baillent à ferme en son office, plusieurs prouffictz come pour son vin, sur lesquelz il luy convient payer les despens quy se font au bail desdites fermes et povent valoir lesdis prouffictz chascun an par dessus lesdis despens environ 38 florin; et sy prent ledit recepveur du mort bois pour son chaffet et nodoir en son hostel es bois de Monseigneur à Kettenhem et Hayenges.

15° *Le receveur d'Ivoix* prent chascun an pour gaiges à cause de son office sur sa recepte 16 florins, item 1 muyd de froment, item 4 charées de vin; item prend ledit recepveur ès bois de Monseigneur son bois pour son chauffer. Et sy a ledit recepveur chascun an à son prouffict aucunes émolumens qu'il prent sur plusieurs membres quy se baillent à ferme, tant foires, moulins, terrages et autres semblables parties lesquelz povent valoir par dessus les despens quy se font au bail desdites fermes, environ 12 frans.

16° *Le receveur de Morville* prent chacun an de gaiges sur les deniers de sa recepte 6 fr. 3 gr., item 4 rez froment et 4 rez moitard.

17° *Le recepveur de Verton.*

Autres gaiges et sallaies.

18° *Le stromyer de Luxembourg* prent pour gaiges sur la recepte du demaine de Luxembourg en argent pour ung porc 5 frans, de 5 florin 12 gr. 6 d.

19° *Barter le tonnelier* de Monseigneur prent chascun an pour gaiges sur ladite recepte de Luxembourg pour ung porc 5 frans, de 5 fl. 12 gros 6 d.; item pour une robe 2 florin; item 5 maldres froment, item 5 maldres soile et 5 stiers de poix.²⁾

(A continuer.)

¹⁾ laine ou leigne = bois. — ²⁾ poix = pois.